

## Ol

Estas facile konstateble ke kunekzistas du apartaj uzoj de la vorto « ol », kvazaŭ tiu termino havas du distingeblajn sencojn en komparativaj formoj.

Komparo de du objektoj :  $f(x) > f(y)$

La komparo rilatas al nombrebla, mezurebla aŭ taksebla koncepto (tial ĝi estas objektiva komparo) koncerne du apartajn objektojn (ĉisube respektive ruĝe kaj verde).

La ĝirafo estas pli granda ol la tigro.	$granda(\text{ĝirafo}) > granda(\text{tigro})$
La leporo kuras pli rapide ol la testudo.	$rapide(\text{leporo}) > rapide(\text{testudo})$
Antaŭ ol decidi necesas pripensi.	$momento(\text{decidi}) > momento(\text{pripensi})$
Ŝi manĝas frukton prefere ol kukon.	$\hat{s}ato(\text{frukton}) > \hat{s}ato(\text{kukon})$

Komparo de du konceptoj :  $f(x) > g(x)$

La komparo rilatas al du konceptoj (ĉisube respektive ruĝe kaj verde), koncerne la objekton de la komparo. Ofte, la du komparataj karakterizoj estas malsame nombreblaj, mezureblaj aŭ takseblaj, ĉar malsamdimensiaj (\*). Tiam la komparo estas subjektiva.

Li estas pli stulta ol malica.	$stulta(li) > malica(li)$
La papero estas pli flava ol blanka.	$flava(\text{papero}) > blanka(\text{papero})$

(\*) escepokaze la komparataj karakterizoj estas samdimensiaj, eĉ same mezureblaj :

Li estas pli dika ol maldika.	$dika(li) > maldika(li)$
Li trinkas pli da akvo ol da vino.	$akvo\text{-}kvanto(li) > vino\text{-}kvanto(li)$

Estas notinde ke tiu dualeco estas konstatebla okaze de egaleco :

Li estas same / tiel granda kiel la frato.	$granda(li) = granda(\text{frato})$
Li estas same / tiel stulta kiel malica.	$stulta(li) = malica(li)$

Ĝi estas konstatebla ankaŭ en la franca lingvo (verŝajne en aliaj lingvoj) :

Cet individu est plus bête que son frère.  
Cet individu est plus bête que méchant.